

1593

cum jam tunc erexere, quarum posterior haud multo post destructa, prior bello Cameracensi amissa est. Hanc Turcarum, de qua diximus, in Carnos excursionem altera M. CCCC. LXXVII. excepit, Hieronymo Novello, Veronensi, Venetorum imperatore, cum trium peditum millibus atque haud exiguo equitatu a Scandero Turcarum praefecto in insidias petraeto ac deleto; qui victoria insolens, multis incursionibus in penitiora Forijulii factis, de Venetorum terra marique apparatus fama permotus, biduo post Italia abscessit. Tunc a Senatu Joannes Haimus Eques, Zacharias Barbarus, Dominicus Georgius, Candianus Bollanus in Carnos missi sunt, ut, qua ratione Turcis obsistendum esset, disquirerent: qui unanimi consensu Gradiscas tantum fossis, aggeribus, propugnaculis, armis, militum praesidio muniendas censuere. Bienio post tertio aditum in Carnos Turcae meditati, Caroli Montonii, Venetorum praefecti, virtute repulsi sunt. Anno demum M. CCCC. LXXXVIII. Ludovicus Sfortia Insubribus ab Aloysio duodecimo Aurelianensi, Galliae Rege, pulsus, cum in Germaniam ad Maximiliani Caesaris opem confugisset, ad Bajazerem quoque Turcarum Imperatorem, qui tunc bellum cum Venetis gerebat, Ambrosium Buciardum & Martinum Casatum legatos misit, qui illum in Rempublicam incitarent, & in Carnos elicerent. Peditum duodecim millia iis in locis missurum pollicitus Bajazetes, Scandero eam provinciam detulit, qui, ad Sontium, haud longe a Gradiscis, positis castris, quo loco nostri Caroli Ursini imperatoris, Andreæque Zancani legati ductu hostem praestolabantur, pugnae periculum veritus, diverso itinere usque ad Taliaventi ripas se intulit; quaque vadari poterat, amne trajecto, usque ad Liquetaiam progressus, incensis villis, agrisque vastatis, cum in reditu ad Taliaventum, quod imbribus valde excreverat, pervenisset, copiarum Reipublicae metu, mille ac quingentis (ut ferunt) captivis truncato capite, magno jumentorum numero ad fluminis rapidum cursum, qua illi transeundum erat, sistendum, infra supraque posito, transgressus, ulteriorem regionem foede depopulatus, abiit. Decem millia hominum absumpta fuisse tunc ferebatur; multoque graviora accidissent, ni Graeci atque Epirotæ, impetu repref-